



Cov kev pab cuam Txhawb Nqa Kev Hloov Pauv Ntawm Cov Hluas

KEV HLOOV PAUV RAU COV KEV PAB CUAM VIM TUS KAB MOB COVID-19

Qhov kev pab txhawb nyob rau hauv cov kev pab cuam Txhawb Nqa Kev Hloov Pauv Ntawm Cov Hluas muaj mus ntxiv rau cov neeg siv thaum lub caij muaj kev huaj vam ntawm tus kab mob COVID-19. Txawm li cas los xij, txoj hau kev muab cov kev pabcuam tej zaum yuav hloov mus raws li cov lus qhia txog fab kev noj qab haus huv.

Hloov chaw cov kev sib tham tim ntsej tim muag los yog pab pawg ua ke, tam sim no ib tus neeg tiv tauj nrog cov neeg siv tuaj yeem ua tiav nyob rau hauv xov tooj thiab cov neeg muab kev pabcuam tau ua cov haujlwm pab pawg los ntawm ntau cov sam thiaj tshaj xov xwm sib txawv uas suav nrog Zoom, WhatsApp thiab Facebook.

Cov neeg muab kev pabcuam muaj kev nkag tau mus rau cov kev pab txhais lus hauv xov tooj rau cov neeg siv uas tsis txawj lus Askiv zoo.

Kawm paub txog tus kab mob **COVID-19 thiab nws cov tsos mob.**

Cov kev pab cuam Txhawb Nqa Kev Hloov Pauv Ntawm Cov Hluas (YTS) yog dab tsi?

Cov kev pabcuam YTS pab cov tub ntxhais hluas nkag teb chaws thiab cov neeg tsiv teb tsaws chaw uas muaj hnub nyooq mos 15 txog 25 xyoo mus koom nrog kev ua haujlwm thiab kev kawm, txhim kho kev npaj mus ua haujlwm, muab kev nkag mus rau cov cij fim kev kawm ua haujlwm, thiab tsim kom muaj kev sib raug zoo ruaj khov los ntawm kev koom rau txoj kev kawm ntawv thiab kev ua kis las.

Cov tub ntxhais hluas nkag teb chaws pab tib neeg thiab lwm cov neeg tsiv teb tsaws chaw tuaj yeem ntsib txoj kev nyuab hauv kev nkag mus rau cov kev pabcuam txhawb nqa, coj cov kev xav tau rau kev cob qhia thiab tsim kho lawv tus kheej hauv kev ua haujlwm, thiab feem ntau xav tau kev pab thiab kev txhawb nqa ntau ntxiv kom rais los ua thiab nyob sib txuas nrog lawv lub zej zog tshiab.

Qhov no tej zaum yuav yog vim muaj cov teeb meem fab lus thiab kab lis kev cai, thiab/lossis tsis muaj kev sib koom ua ib ke thiab kev paub txog kev lag luam hauv zej zog.

Cov tub ntxhais hluas cov tsev neeg kuj tseem tuaj yeem muaj kev nyuab nrog cov teeb meem ntawm kev nyob ua ke thiab kev sib raug zoo.

Cov kev pabcuam YTS raug muab rau los ntawm cov neeg muab kev pabcuam los ntawm ntau txoj haujlwm thiab cov haujlwm suav nrog rau kev pab cov hluas los txuas nrog cov kev pabcuam ntiav hauj lwm thiab cov haujlwm hauv zos, thiab kev kawm ua haujlwm lossis lwm yam kev kawm ntxiv.

Cov kev pabcuam YTS tuaj yeem pab tau cov hluas li cas?

Cov kev pabcuam YTS pab txhim kho lub peev xwm thiab kev muaj peev xwm rau cov tub ntxhais hluas neeg nkag teb chaws pab tib neeg thiab lwm cov neeg tsiv teb tsaws chaw tsim nyog los pab lawv ua kom muaj kev kawm thiab ua tiav kev hloov mus ua haujlwm.

Cov kev pabcuam YTS tsom rau plaub qhov tseem ceeb. Cov no yog:

- Kev Koom Tes Ua Haujlwm los txhim kho cov hluas kom npaj txhij ua haujlwm.
- Muaj Kev Sib Raug Zoo rau Kev Kawm los txhawb cov tub ntxhais hluas kom nyob txuas nrog txoj kev kawm.

- Cov Cij Fim Kev Kawm Ua Haujlwm los pab cov tub ntxhais hluas kom tau txais cov kev paub ua hauj lwm thiab ntxiv qhov zoo ntawm lawv cov kev txawj ua haujlwm.
- Kev Koom Tes Ua Kis Las los pab cov tub ntxhais hluas tsim kev sib raug zoo thiab kev ntseeg tus kheej los ntawm cov kev ntaus pob ncaws pob.

Kuv puas tsim nyog tau txais cov kev pab?

Tej zaum koj yuav tsim nyog rau YTS cov kev pabcuam yog tias koj yog ib tus neeg nyob ruaj khov uas muaj hnuv nyoog 15 txog 25 xyoos thiab tau tuaj nyob hauv teb chaws Australia nyob rau tsib xyoos dhau los tam li tus neeg nkag teb chaws Pab Tib Neeg, lossis Tsev Neeg tsiv teb tsaws chaw tsis paub lus Askiv zoo.

Kuv yuav nkag mus siv YTS cov kev pab cuam tau li cas?

Lub rooj teev lus hauv qab no teev cov chaw muab kev pabcuam uas muab cov kev pabcuam YTS. Yog tias koj xav koom nrog txoj kev pabcuam no, thov hu rau tus neeg muab kev pabcuam hauv qab no hauv koj ib cheeb tsam.

Tus Neeg Muab Kev Pab Cuam	Cov kev pabcuam YTS muaj nyob rau hauv cov chaw hauv qab no
Lebanese Muslim Association	Canterbury, Bankstown, Liverpool thiab Fairfield, NSW
Lub Chaw Peev Txheej Pab Neeg Tsiv Teb Tsaws Chaw Inc (Parramatta)	Auburn thiab Blacktown, NSW
Multicultural Australia	Brisbane, QLD
Access Community Services Limited	Logan, QLD
Victorian Foundation for Survivors of Torture Inc (Foundation House)	Greater Dandenong, Casey, Hume, Brimbank, Darebin, Maribyrnong, Melbourne thiab Whitehorse, VIC
Brotherhood of St Laurence	Hume, VIC